

SAN MARTIN Y LUNGIARÜ

I preii dër bel düc i përs maridà de tò sò l'invit dl vëscò Ivo Muser che i inviëia por en sabeda, ai 14 de merz, a na festa de ringraziament y de benediscion tl Dom da Balsan. La festa scomëncia dales 15.00 cun na zelebraziun dla Parora de Dî tl dom y dedò é düc invià a na incuntada cun n renfrësch sön la plaza dl dom. *siur Iaco Ploner*

Le Consëi decanal dla Uniun dles Ëres Catoliches y la Uniun dles Ëres da La Ila inviëia al Dé Mondial de Oraziun, en vëndres ai 6 de merz a Oies. Dales 14.00 é la prozesciun da San Linert a Oies, dales 15.00 Mëssa cun siur degan Iaco Willeit y siur Pire Irsara.

I rapresentanc dles uniuns dl Comun da San Martin è dër bel invià ala sentada generala dl Consëi de Formaziun en jöbia, ai 5 de merz, dales 20.00, tl salf dl Istitut ladin a San Martin, olach'al gnarà baié dl'ativité, dla situaziun de cassa, dles poscibilités de ciäfë contribuë y presentè le portal nü www.manif.it. Chi che ne sciafia nia da gnì, é bel perià de menè n sostitut.

Invit ala incuntada di vëdui, vëdues y porsones sores, en domënia ai 8 de merz, dales 9.30, a Porsenù tl Academia Cusanus. *Ciarede tl'ultima plata.*

Peregrinaje a Spinges ai 6 de merz. 01/03 ultimo dé de prenotaziun 338 99 183 26.

En domënia, ai 8 de merz, do mëssa, venüda de ciüfs por la Krebshilfe.

Jogn, da 14 agn insö, gnide ala gran festa di jogn a Salzburg en Pasca de Mà! Le suzes é garantí! Al va na coriera dala Val Badia ai 22 de mà incër misdè da La Ila demez y röia a ciäsa ai 25 de mà incër les 20.00. Al vëgn dormì te scores. Cun 7.000 jogn vëgnel festejë la gnüda dl Spirit Sant cun ciánties, musical, catecheses, mëssa, adoraziun, workshops y divertimënt. Le cost é de ca. 110 €. Info: www.loretto.at/event/pfingsten15 (ciaredi ai videos dles festes di ultimi agn por ves fà n'idea!) Menede na e-mail a renate@valentini.cc che ves darà les informaziuns por la prenotaziun.

SAN MARTIN

Referat por i seniors cun le cardiologh dr. Felix Pescoller en domënia, ai 8 de merz, do la gran mëssa (ca. 10.30) tl local di seniors tla ex-scora elementara a San Martin, cun la poscibilitè de mosoré la presciun.

Les iscriziuns ala Scora de musiga por l'ann de scora 2015/2016 vëgn tutes sò tratan döt le mëis de merz. I formulars ciàfon tl secretariat dla Scora de musiga a La Ila o te internet (sot a www.musikschule.it). Por informaziuns telefonede al nr. 0471/847748.

La Musiga da S.Martin de Tor é interessada da cumprè jö trohts da ëra che ne vëgn nia plü adorades. Por informaziuns präibel cherdè sò Karin 328 31 33 285.

Vigni ultimo mertesc dl mëis dales 9.00 ales 12.00 vëgnel pitè a Pidrò dala dot.avv. Marion Oberhollenzer n sorvisc de pröma consulënza legala por chestiuns de dërt de familia y de arpejun. Prenotaziuns y deplü informaziuns sön le sorvisc de consulënza ciàfon te vigni portina dla Cassa Raiffeisen.

Döt le bun a chi che complësc i agn de merz

- a San Martin: Frida Prada che nen complësc 102 ai 10
Lena Costabiei Moling che nen complësc 86 ai 26
- a Lungiarü: Sepl Clara da Somvì che nen complësc 80 ai 21
Davide Daporta che nen complësc 90 ai 23
Sepl Rives che nen complësc 80 ai 24
Iaco Mischi che nen complësc 91 ai 26



1.3. - 8.3.2015 - nr. 14

Plata dla Cöra
de San Martin y Lungiarü

termo por publiché: jöbia dales 20.00


2ª Domënia de Carsëma - B

Merch 9,2-10

Y al é gnü trasfiguré dan da sü edli;
sü guanë é gnüs blanc raiënc, ...

Spo é gnü n nio
che à lascè tomè süa ambria sön ëi,
y fora dl nio cherdà na usc:
Chësc é mi Fi bunorü; ascutédele!
Canch'ai â spo ciarè incërch,
n'odöi t'en iade plü degügn pro d'ëi
ater co Gejù.

Tratan ch'ai jô jö dla munt,
ti àl proibì de ti cuntè a zacai ci ch'ai â odü,
cina che le Fi dl Om ne n'è ressorì dai moré.
Chësta parora ti dè da pensè,
y ai se damanà un l'ater ci che chësc dô ester:
ressorì dai moré.



*Gejù è tl arjigné ca sü discepui al tru dla pasciun y dla mort.
I trëi discepui vëiga te n iade le lominus de Dî. Ai se sint tan bëgn,
ch'ai oress stè dailò por tres: Chilò è Chël Bel Dî daimprò.
Mo chësc lominus i inviëia a val' deplü, a ciarè sön Gejù:
Chësc è mi Fi bunorü; ascutédele!*

*Chël Bel Dî lomina danfora por i tëmps scürs. Defata do la munt dla
trasfiguraziun vëgnel la pasciun, la soferënza, le dejonur y les coienaries;
incé dailò vel l'invit: Èl dësses ascuté!*

*Incé sce Idì n'è nia dagnora da odèi te süa gloria, podunse odèi süa löm.
I podun s'orientè do süa löm y se recordè süa gloria.*

*I odorun defata i medemi trëi discepui, Pire, Iaco y Jan, tl Urt dl'Orí:
Gejù savò che nia ne sozed zënza la orentè de Dî, incé sc'al ne la capì nia.
Y al se sotmët y dij: Tüa orentè sides fata.
Te chëstes parores vëiga Gejù la löm de Dî, incé tla scuritè.*

Ploan: siur Iaco Ploner ploner.jakob@aruba.it
tel.: 333 48 32 765 / 0474 453 003

Redaziun: T. Gasser anton.gasser@rolmail.net
tel.: 348 27 44 517 / 0474 523 194

	SAN MARTIN		LUNGIARÜ
01.03.15 2^a Domënia de Carsëma	9.00 Staziuns 9.30 Gran Mëssa dla comunité + siur Richard Sottara 10.30 Istruziun por les ëres te dlijia <i>cun oferta por la Uniun</i>	01.03.15 Domënia	7.55 Staziuns 8.15 Gran Mëssa dla comunité
02.03.15 Lönesc <i>Agnese da Praga, Ines, Carl</i>		02.03.15 Lönesc	19.30 Cërtrl dla Bibla te calonia
03.03.15 Dedolönesc <i>Cunigunda, Tobia, Friedrich</i>	19.00 Mëssa + Maria Pedevilla + Paul Vantsch + Giovanni Videsott 19.30 Cërtrl dla Bibla te calonia	03.03.15 Mertesc	16.30 Via Crucis a Frëina
04.03.15 Dedemesaledema <i>Casimir, Rubert, Valburga</i>	19.30 Staziuns	03.12.14 Mercui	7.50 Mëssa di scolars a d'intenziun en onú de San Florian y San Cristofer por le Animes Comuniun ai amarà
05.03.15 Jöbia <i>Oliva, Jan, Dietmar</i>	7.00 Confesciuns 7.30 Mëssa + Bino Pedevilla + + + Arcangel, Nane y Monica Zingerle + Alfred Zingerle Corona por vocaziuns 8.00 y domisdé: Comuniun ai amarà	05.03.15 Jöbia	7.30 Zelebrazium dla Parora de Dî
06.03.15 Vëndres <i>Fridolin, Coleta, Matilda, Rosa</i> Pröm Vëndres <i>Dé mondial d'oraziun dles Ëres</i>	14.00 Prozesciun da San Linert a Oies 15.00 Mëssa sö Oies por le Dé dles Ëres	06.03.15 Vëndres	7.00 Adoraziun y confesciuns 7.30 Mëssa + + Rita y Franz Pezzei + Anna Chiusura + Catarina Tatz
07.03.15 Sabeda <i>Perpetua y Felizita, Reinhard, Tomesc, Jan</i>	15.30 Mëssa tla Cíasa de Palsa 18.30 Mëssa prefestia families de Martin Verginer aniv. Giovanni Ferdigg + Aristide Brivio	07.03.15 Sabeda	19.30 Staziuns 20.00 Mëssa prefestia familia de Vinzenz Clara, postin (a d'intenziun) + Ivo Sorà + Vito Clara
08.03.15 3^a Domënia de Carsëma	9.00 Staziuns 9.30 Gran Mëssa dla comunité	08.03.15 Domënia	7.55 Staziuns ciantades 8.15 Gran Mëssa dla comunité